

含羞草

高二三寸葉似槐爪之葉
卽下垂如婦女含羞然

齒草

枝緣高尺許葉如浮藤菜而小心如枸杞番人
取其枝以擦齒久之皆黑因以得名或名澀草

龍舌草

俗名蘆薈形如舌旁有
荊液如油可以潤髮

荊莧

幹赤色高三四尺葉尖小青色帶赤
多生荊故名燒灰沃水可漬米爲粽

藥之屬

薏苡仁

一名**薏**米謂堅硬有**薏**強之意一名回回米
一名薏珠子能健脾益胃馬援在交趾嘗餌

薏苡以勝瘴呼爲**薏**珠載其種還人讒以爲珍珠
北路產頗多而粒差小土番名之曰禾榛又名禾

珠以其與禾並
栽也詳見外紀